



**BOSNA I HERCEGOVINA
PREDSJEDNIŠTVO BOSNE I HERCEGOVINE**

Broj: 119-04/12
Sarajevo, 27.04.2012.

NJ.E. Bakir Izetbegović, predsjedavajući Predsjedništva BiH

NJ.E. Nebojša Radmanović, član Predsjedništva BiH

NJ.E. Željko Komšić, član Predsjedništva BiH

Predmet: Molba za izmjenu i dopunu Nacrta o budžetu institucija BiH

Poštovani,

Unija za održivi povratak i integracije u BiH, mreža koja okuplja 104 lokalna udruženja, iznenađena je i zabrinuta nakon usvajanja Nacrta budžeta institucija BiH i međunarodnih obaveza BiH za 2012. godinu kojim su predviđena minimalna sredstva za povratak. Sa ovakvim izdvajanjem mogao bi ozbiljno biti doveden u pitanje proces povratka i integracije izbjeglih i raseljenih lica u BiH.

Ovakav budžet daje lošu poruku tek održanoj Donatorskoj konferenciji za konačno rješavanje pitanja izbjeglih i raseljenih lica, i ne podržava napore bh. Vlasti i međunarodne zajednice.

Ministarstvo za ljudska prava i izbjeglice BiH je u pripremi za nacrt budžeta iskazalo realne potrebe i tražilo izdvajanje 300 miliona KM kako bi se riješio najveći broj neobnovljenih kuća. Danas, 16 godina od početka mira, još uvijek postoji potreba da se riješi pitanje izbjeglih i raseljenih lica u BiH, kao i onih koji se iz dijasporu žele vratiti u BiH. Prema našim podacima u BiH još uvijek ima oko 145.000 neobnovljenih kuća (od toga 43.000 podnesenih zathjeva Ministarstvu za ljudska prava i izbjeglice BiH), a potencijalnih povratnika ima 289.676 (interno raseljenih lica te onih koji žive izvan BiH a žele se vratiti). Posebno ističemo da u kolektivnim centrima i danas živi 4.729 osoba.

Podsjećamo da usljed neformiranja nove državne vlasti u 2011. godini Komisija za izbjeglice i raseljena lica do danas nije nastavila sa radom. Također, usljed neusvajanja Budžeta BiH u prošloj godini niti jedna marka nije bila izdvojena za ovu namjenu.

Očekujemo da će Predsjedništvo BiH kao zvanični predlagač budžeta, i Vi kao član Predsjedništva BiH, pokazati ozbiljnost u namjeri da se trajno riješi pitanje povratnika, izbjeglih i raseljenih lica u BiH, zajedno sa međunarodnom zajednicom koja pokazuje spremnost.

Rješavanje ovih pitanja je i jedna od obaveza koja stoji pred bh. Vlastima, državom i cijelim društvom, na našem putu ulaska u Evropsku uniju.

S poštovanjem,

Predsjednik

Mirhunisa Zukić